



**BREVIS|| INSTRVCTIO|| AD CORROBORAN-||DOS AC
IVVANDOS MO-||RITVROS, EOS PRAESERTIM|| qui ob
flagitia sua, publica Iudi-||cum sententia morti ad-||dicti
sunt:||**

Isella, Francesco

Coloniae Agrippinae, 1588

VD16 I 344

De Charitate Qvam habere debent Fratres inter se. Capvt V.

[urn:nbn:de:hbz:466:1-60044](https://nbn-resolving.org/urn:nbn:de:hbz:466:1-60044)

IVVANDOS MORIENTES. 13

vt exoticas linguas discar, tum etiam ob alias honestas utilitates, eligant optimos; & qui nullam præ se ferunt corruptæ, & contra fidem, aut bonos mores doctrinæ suspicionem. Vt autem commodius hoc faciant, nunquam habeant libros incognitos, qui à Confessario nõ sunt approbati: præstat enim exigua cum scientia ingredi vitam æternam, quàm cum nimia in ignem inferni præcipitari.

Libri incogniti nõ sunt legendi.

DE CHARITATE QUAM
habere debent Fratres
inter se.

CAPVT V.

Sola lex naturalis satis esse debebat, vt vnus homo diligat alterũ; quanto igitur plus id efficere debet lex Christiana? tam igitur propter illam, quàm propter hanc id vnice curet homo, vt proximum diligat: multò autem magis id facere tenentur, qui ex eadem patria sunt oriundi: & maxime ij, qui vnus, eiusdemque sunt Sodalitatis. Oportet igitur vt Fratres se mutuò plurimum diligant in Domino: Qui præter maxima, quæ nobis reliquit, ardentissimæ charitatis exempla,

14 INSTRVCTIO AD

Iohan. 15.

1. Corin. 13.

pla, toties eam nobis commendat; & Apostolus affirmat, omnes alias virtutes præter hanc, nullas esse. Necessè est autem, vt hæc charitas sit vera, nõ ficta, quæ ex operibus potest agnosci. Ostendant igitur charitatem in omnibus suis actionibus, vsurpantes inter sese verba amicitiaë & modestiaë plena, fugientes contentiones & æmulationes. Nemo alterius famaë vel honori detrahat, sed nec huiusmodi detractorum colloquijs intersit: & si cum pace poterint illis silentium imponere, id faciant vltro. Conentur Fratribus in omnibus suis necessitatibus opere & consilio, quantum fieri potest, auxiliari. Id ipsum multò magis facere debent in necessitatibus spiritualibus: quare cum quem Fratrum vident in aliquo errore fluctuantem, studeant eum summa cum diligentia Christo lucrifacere, siue per seipso, siue per Confessarium, aut per alium, prout spiritus id suggeret. In infirmitatibus non sit tediosum vni alterum visitare. Cum autem infirmi periclitantur, non permittant fratres suos crudeliter decipi à suis amicis & cognatis, qui ex amore falso, ne terreant

ægro-

IVVANDOS MORIENTES. 15

ægrotos, mortis nolunt fieri mentionem. Quare tales sæpe ex improviso è medio tolluntur, & sine Sacramentis, maleq; dispositi moriuntur. Aduigilent igitur, & curam habeant animarū Fratrum suorū, nec vereantur, cū opus est, mortē ipsis denunciare. Moneāt eos, vt omnia quæ necessaria sunt ritè disponāt; vt paulo post quietè possint ex hac vita, in aliam transmigrare.

Postquam mortui sunt, solliciti sint pro animabus eorum; dicentes pro illis officium defunctorum: Sacerdotes legant certa sacra, & qui legere nō didicerunt, dicant aliquot Rosaria.

Existimo hæc exigua, quæ de institutione Fratrum diximus, nō esse superuacanea: imò plura dici possent. Res enim, cui se dediderūt, magni momenti est: negotium namq; ipsis est cum ijs, quibus exiguum vitæ tempus suppetit, & de quibus sperari non potest, si nunc non conuertantur, quod conuertentur aliquando. Ideoq; summa requiritur energia & efficacia in talibus conuertendis: quæ profectò haberi non potest, sine vitæ bonitate; cū carbonem accendere nequeat, nisi viuat. Simile.

ORDO